



Aningaasaqarnermut Akileraartarnermullu Naalakkersuisoq

Ulloq: 08. oktober 2025
J.nr.: 01.31.06/25-01143

Aningaasaqarnermut Ataatsimiititaliap tallimannngornermi ulloq 30. september 2025-mi aalajangiineranik Naalakkersuisunut ilisimatitsineq.

Suliffissanut isertarfiup nutaap ineriartortinnissaanut missingersuutitut sunniuteqanngitsumik ilassutitut aningaasaliissuteqarnissamik Naalakkersuisut qinnuteqaataata. Ataatsimiititaliap suliaa nr. 01.31.06/25-01143.

"Naalakkersuisut **inassutigaa**,

- Konto pingaarneq 31.07.02 Piginnaasanik ineriartortitsiviusumik pikkorissarnerit pillugit aningaasaliissutit 2025-mi 4.873.000 kr-inik annikillineqassasut aamma,
- Konto pingaarneq 82.20.03 Isumaginninnermut tunngatillugu IT-atortulersuusit, suliniut nr.40 088 Suliffissanut isertarfik nutaap pillugu aningaasaliissutit 2025-mi 4.873.000 kr-inik qaffanneqassasut."

Aningaasaqarnermut Ataatsimiititaliap oqaaseqaatai apeqqutaalu

Suliamik suliarinninnermut atatillugu Naalakkersuisunut apeqquteqarnissaq ataatsimiititaliamit aalajangiunneqarpoq.

Ataatsimiititaliap allakkatigut apeqqutaanut taamatullu ulloq 29. september siunersiunissamut Naalakkersuisut akissutaat ataatsimiititaliamit qujassutigineqarput.

Suliamik matuminnga suliarinninnerup tukanneranik ataatsimiititaliap Naalakkersuisut isumaqatigaat. Naalakkersuisut ajuusaarnerat ataatsimiititaliamullu uummammit pisumik utoqqatsernerat ataatsimiititaliamit tusaatissatut tiguneqarput.

Suliassanik ataasiakkaanik saqqummiussassanik pilersaarusiornermik suliassap pisariaqartumik naammattumillu pitsaassuseqarnissaanik qulakkeerinnittarnissap pitsanngortinneqarnissaanik Naalakkersuisut ataatsimiititaliamit kaammattorneqarput, taamaaliornikkut paasissutissanik kukkusunik ataatsimiititaliamut nassiussisarneq pinngitsoortinneqarsinnaammat. Inatsisartut sinnerlugit aalajangigassanut aalajangiinissanut tunngavissanik pisariaqartunik Aningaasaqarnermut Akileraartarnermullu Ataatsimiititaliap peqarnissaa pisariaqarluinnarpoq.


Suliassanik isumaginninnissami kalaallit suliaqartut peqataatinneqarnissaasa qulakkeer-
neqarnissaa Naalakkersuisut inassuteqaataannik suliarinninnermini ataatsimiititaliap pin-
gaartillugu aalajangiisuutippaa. Namminiilivinnissap maannakkorpiap oqallisigineqar-
neranut atatillugu nunatsinni suliaqartut suliartigut piginnaasatigullu ineriartornissaannik

siuarsaanermi pisortat akuusutut inissisimanissaat, taamaalillutillu inuussutissarsiutitigut siammasissumik ineriartortitsinermut tapertaanissaat, ataatsimiititaliap isumaa malillugu pingaaruteqarpoq. Suliffissanik isertarfiup ineriartortinneqarnissaanik ingerlanneqarnissaanillu sulissamik ingerlatsinissamut nunatsinni suliallit peqataatinneqarnissaannut Naalakkersuisut iliuuseqarnerusimannginnerat ataatsimiititaliamit ajuusaarutigineqarpoq. Aalajangiineq pillugu allagaq manna suliaq pillugu apeqqutinik erseqqinnerusunik malitseqartinneqassaaq. Aalajangiinerulli kinguarsaaqqinnertaqanngitsumik nassiunneqarnissaa ataatsimiititaliamit pingaartinneqarpoq.

Aningaasaqarnermut Ataatsimiititaliap aalajangernera

Siuliani allassimasatut oqaaseqaateqarluni Naalakkersuisut **inassuteqaataat** ataatsimiititaliamit **akuerineqanngillat**.

Inussiarnersumik inuulluaqqusillunga



Erik Jensen

Aningaasaqarnermut Akileraartarnermulu Ataatsimiititaliap siulittaasua